

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савет*

**R J E Š E N J E**

**po Prijavi namjere koncentracije privrednog subjekta «Wienstrom» GmbH, Austrija,  
«Energie Zotter Bau» GmbH & Co KG, Austrija, «Fras Betelligug und Beratung» GmbH,  
Austrija i «Energy Eastern Europe Hydro Power» GmbH, Judenburg, Austrija**

**Sarajevo**  
**Juni, 2008. godine**



Broj: 01-05-26-043-15-II/07  
Sarajevo, 12.06.2008. godine

Na osnovu člana 25. stav (1) tačka e), člana 42. stav (1) tačka d) i člana 43. stav (2), a u skladu s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), a po Prijavi namjere koncentracije privrednog subjekta «Wienstrom» GmbH, Mariannengasse 4-6, 1090 Beč, Austrija, «Energie Zotter Bau» GmbH & Co KG, Hans-Klopfer-Straße 28-30, 8750 Judenburg, Austrija, «Fras Beteiligug und Beratung» GmbH, Montevideogasse 16/2, 1130 Beč, Austrija i «Energy Eastern Europe Hydro Power» GmbH, Hans-Klopfer-Straße 28-30, 8750 Judenburg, Austrija, podnesenoj po advokatu Branku Mariću, Zajednička advokatska kancelarija, Mehmeda Spahe 26, 71000 Sarajevo, zaprimljenoj dana 14.12.2007. godine pod brojem: 01-05-26-043-II/07, Konkurencijsko vijeće, na 67. (šezdesetsedmoj) sjednici održanoj dana 12.06.2008. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu proizvodnje električne energije u Bosni i Hercegovini, koja će nastati sticanjem većine prava glasa u privrednom subjektu «Energy Eastern Europe Hydro Power» GmbH, Republika Austrija, od strane privrednog subjekta «Wienstrom» GmbH, Beč, Republika Austrija.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo, dana 14.12.2007. godine pod brojem 01-05-26-043-II/07, Prijavu namjere koncentracije (u daljem tekstu: Prijava), u smislu člana 16. stav (1) Zakona o konkurenciji, privrednog subjekta «Wienstrom» GmbH, Mariannengasse 4-6, 1090 Beč, Austrija, (u daljem tekstu: Wienstrom ili Podnosilac prijave), «Energie Zotter Bau» GmbH & Co KG, Hans-Klopfer-Straße 28-30, 8750 Judenburg, Austrija, (u daljem tekstu: Zotter), «Fras Beteiligug und Beratung» GmbH, Montevideogasse 16/2, 1130 Beč, Austrija (u daljem tekstu: Fras) i «Energy Eastern Europe Hydro Power» GmbH, Hans-Klopfer-Straße 28-30, 8750 Judenburg, Austrija (u daljem tekstu: EEE) podnesenu po advokatu Branku Mariću, Zajednička advokatska kancelarija, Mehmeda Spahe 26, 71000 Sarajevo (punomoć od dana 13.12.2007. godine broj: 2464/2007 izdata od privrednog subjekta Wienstrom).

Podnosilac prijave je dopisima br: 01-05-26-043-1-II/07 od dana 07.01.2008. godine, 01-05-26-043-2-II/07 od dana 05.02.2008.godine i 01-05-26-043-3-II/07 od dana 21.02.2008. godine Konkurencijskom vijeću samoinicijativno dostavio dopunu Prijave.

Konkurencijsko vijeće uvidom u dostavljenu Prijavu utvrdilo je istu nekompletnom, u smislu člana 30. Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata («Službeni glasnik BiH», broj 95/06), te u skladu sa članom 31. Zakona zatražilo dopunu iste (akt broj 01-05-26-043-6-II/07 od dana 21.03.2008. godine.

Podnosilac prijave u skladu sa zahtjevima Konkurencijskog vijeća je dopisom broj: 01-05-26-043-7-II/07 od dana 28.03.2008. godine dostavio dio tražene dokumentacije i ujedno zatražio produženje roka za 15 dana za dostavljanje preostale dokumentacije, što mu je dopisom broj: 01-05-26-043-8-II/07 od dana 02.04.2008. godine i odobreno.

Prijava je dopunjena traženim podacima dana 03.04.2008. godine, dopis broj: 01-05-26-043-9-II/07 i dana 18.04.2008. godine, dopis broj: 01-05-26-043-11-II/07.

Prijemom tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave broj: 01-05-26-043-12-II/07 dana 26.05.2008. godine, u skladu sa članom 30. stav (3) Zakona.

Podnosilac prijave je u istoj naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan Bosne i Hercegovine.

Konkurencijsko vijeće u postupku ocjene predmetne koncentracije je utvrdilo slijedeće činjenice:

Prijava je podnesena u predviđenom vremenskom roku, u smislu člana 16. stav (1) Zakona.

## **1. Učesnici koncentracije**

Učesnici koncentracije su privredni subjekt «Wienstrom» GmbH, Beč, Republika Austrija, «Energie Zotter Bau» GmbH & Co KG, Judenburg, Republika Austrija, «Fras Beteiligug und Beratung» GmbH, Beč, Republika Austrija i «Energy Eastern Europe Hydro Power» GmbH, Judenburg, Republika Austrija.

### **1.1. Privredni subjekt «Wienstrom» GmbH, Beč, Republika Austrija**

Privredni subjekt «Wienstrom GmbH», Mariannengasse 4-6, 1090 Beč, Republika Austrija je osnovan dana 02.09.1998. godine i upisan u sudski registar nadležnog Trgovačkog suda Beč, pod brojem FN 174300. Većinski vlasnik privrednog subjekta Wienstrom je privredni subjekt «Wien Energie GmbH», sa sjedištem u Beču, Republika Austrija. Osnovna djelatnost privrednog subjekta Wienstrom je proizvodnja električne energije.

Prema podacima iz Prijave privredni subjekt Wienstrom nema niti jedan povezani privredni subjekt niti je direktni ili indirektni vlasnik dionica bilo kojeg privrednog subjekta u Bosni i Hercegovini.

### **1.2. Privredni subjekt «Energie Zotter Bau» GmbH & Co KG, Judenburg, Republika Austrija**

Privredni subjekt «Energie Zotter Bau» GmbH & Co KG, Hans-Klopfer-Straße 28-30, 8750 Judenburg, Republika Austrija je komanditno društvo, osnovano dana 28.10.1997. godine i upisano u sudski registar nadležnog Trgovačkog suda Loeben pod brojem: FN 163273 h.

Osnovna djelatnost privrednog subjekta Zotter je građenje i energija, a komanditor je privredni subjekt Zotter Holding GmbH, Judenburgu, Republika Austrija.

Prema podacima iz Prijave privredni subjekt Zotter nema niti jedan povezani privredni subjekt niti je direktni ili indirektni vlasnik dionica bilo kojeg privrednog subjekta u Bosni i Hercegovini.

### **1.3. Privredni subjekt «Fras Beteiligug und Beratung» GmbH, Beč, Republika Austrija**

Privredni subjekt «Fras Beteiligug und Beratung» GmbH, Montevideogasse 16/2, 1130 Beč, Republika Austrija, osnovan je dana 13.11.2007. godine i upisan u sudski registar nadležnog Trgovačkog suda Beč, pod brojem: FN 302299 h. Fizičko lice dipl.ing. Danilo Fras, (rođ.11.02.1952. godine, Montevideogasse 16/2, 1130 Beč, Republika Austrija) je 100,0% vlasnik privrednog subjekta Fras. Osnovna djelatnost privrednog subjekta Fras je učešće u privrednim društvima i savjetovanje.

Prema podacima iz Prijave privredni subjekt Fras nema niti jedan povezani privredni subjekt niti je direktni ili indirektni vlasnik dionica bilo kojeg privrednog subjekta u Bosni i Hercegovini.

### **1.4. Privredni subjekt «Energy Eastern Europe Hydro Power» GmbH, Judenburg, Republika Austrija**

Privredni subjekt «Energy Eastern Europe Hydro Power» GmbH, Hans-Klopfer-Straße 28-30, 8750 Judenburg, Republika Austrija je osnovan dana 09.03.2006. godine i upisan u sudski registar nadležnog Trgovačkog suda Leoben, pod brojem: FN 276189 k. Osnovna djelatnost privrednog subjekta EEE je proizvodnja energije, a privredni subjekt «Energie Zotter Bau», Judenburg, Republika Austrija je većinski vlasnik sa 95% vlasništva.

#### **1.4.1. Povezana privredna društva**

Privredno subjekt EEE je 100,0% vlasnik dva subsidijarna privredna subjekta u Bosni i Hercegovini, i to:

- a) EBH d.o.o. male hidroelektrane Sarajevo (u daljem tekstu: EBH), osnovano dana 01.11.2006. godine, upisano u sudski registar Općinskog suda u Sarajevu pod brojem: 1-25950, sa osnovnom djelatnosti u proizvodnji i distribuciji električne energije.
- b) ERS d.o.o. male hidroelektrane za proizvodnju i distribuciju električne energije, Laktaši (u daljem tekstu: ERS), osnovano dana 16.05.2006. godine i upisano u sudski registar Osnovnog suda Banja Luka pod brojem: 1-15517-00, sa osnovnom djelatnosti u proizvodnji i distribuciji električne energije.

Privredni subjekt EEE preko povezanih privrednih subjekata u Bosni i Hercegovini ima dodijeljene sljedeće koncesije:

Tabela 1.

<b>R.b.</b>	<b>Lokacija</b>	<b>Ugovorni partneri</b>	<b>Trajanje ugovora</b>	<b>Datum potpisa</b>
01.	Sučeska RS1	Zotter-Vlada RS (prijenos na ERS)	22 god.	2006.god.
02.	Sučeska RS2	Zotter-Vlada RS (prijenos na ERS)	30 god.	2006.god.
03.	Sučeska RS3	Zotter-Vlada RS (prijenos na ERS)	30 god.	2006.god.
04.	Janjina	Zotter-Vlada RS (prijenos na ERS)	21 god.	2006.god.
05.	MHE Žepče	Samo nacrt sporazuma	-	-
06.	Čardak	Zotter (prijenos na EBH)-Vlada FBiH	30 god.	2006.god.
07.	Kamenica	Zotter (prijenos na EBH)-Vlada FBiH	30 god.	2006.god.
08.	Bošašnica	Primus Energy doo(preuzeo od EBH)-Vlada FBiH	30 god.	2006.god.
09.	Rujevica	Primus Energy (preuzeo od EBH)-Vlada FBiH	30 god.	2006.god.

Izvor: Podaci iz Prijave

## 2. Ukupan godišnji prihod učesnika predmetne koncentracije

U smislu odredbe člana 14. stav (1) tačka a) Zakona, obaveza prijave namjere koncentracije privrednih subjekata postoji ako ostvareni ukupni godišnji prihod učesnika koncentracije, ostvaren prodajom roba i/ili usluga na svjetskom tržištu, iznosi preko 100.000.000,00 KM, po završnom računu u godini koja je prethodila predmetnoj koncentraciji i ako je najmanje jedan od učesnika koncentracije registrovan na teritoriji Bosne i Hercegovine.

Ukupni ostvareni godišnji prihodi učesnika koncentracije na svjetskom nivou i Bosni i Hercegovini, u 2006. godini, iznose:

Tabela 2.

R.b.	Naziv privrednog subjekta	Svijet (KM)	Bosna i Hercegovina (KM)
01.	Wienstrom	<sup>1</sup> (..)**	(..)**
02.	Zotter	(..)**	(..)**
03.	Fras	(..)**	(..)**
04.	EEE	(..)**	(..)**
05.	EBH, Sarajevo	(..)**	(..)**
06.	ERS, Laktaši	(..)**	(..)**

Izvor: Podaci iz Prijave

Privredni subjekt Fras (osnovan dana 13.11.2007. godine), privredni subjekt EEE (osnovan dana 09.03.2006. godine), privredni subjekt EBH (osnovan dana 01.11.2006. godine) i privredni subjekt ERS (osnovan dana 16.05.2006. godine) nemaju ostvaren godišnji prihod u 2006. godini.

Ukupan zajednički godišnji prihod privrednih subjekata učesnika predmetne koncentracije (Tabela 2.) iznosi preko 100.000.000,00 KM odnosno privredni subjekt Wienstrom je ostvario (..)\*\*KM dok je privredni subjekt Zotter ostvario (..)\*\*KM, po završnom računu u godini koja je prethodila predmetnoj koncentraciji.

Ukupan godišnji prihod učesnika koncentracije (Tabela 2.) predstavlja prihod (bez poreza na dodanu vrijednost i drugih poreza), koji se direktno odnosi na učesnike koncentracije, na svjetskom i na tržištu Bosne i Hercegovine, u smislu člana 8. tačka h) predmetne Odluke.

Na osnovu navedenih podataka privredni subjekti učesnici koncentracije su obavezni podnijeti Prijavu budući da su ispunili, u smislu člana 14. stav (1) tačka a) Zakona, uslov zajedničkog ukupnog godišnjeg prihoda (Tabela 2.) i da najmanje jedan privredni subjekt učesnik koncentracije je registrovan na teritoriji Bosne i Hercegovine.

## 3. Pravni osnov i oblik koncentracije

Pravni osnov predmetne koncentracije je Konzorcijski ugovor (u daljem tekstu: Ugovor) zaključen dana 06.12.2007. godine na neodređeno vrijeme, između privrednog subjekta Wienstrom, privrednog subjekta Zotter i privrednog subjekta Fras, kao potpisnika i privrednog subjekta EEE kao supotpisnika, putem kojeg konzorcijski partneri imaju namjeru da kooperiraju sa ciljem zajedničke izgradnje i upravljanja malim elektranama (do 10 MW) na tržištu jugoistočne Evrope, a naročito Bosne i Hercegovine i Republike Makedonije. U tu svrhu privredni subjekt Wienstrom namjerava steći 49,0% udjela u privrednom subjektu EEE kupovinom 8,0% udjela u osnovnom kapitalu od privrednog subjekta Zotter, i 41,0% povećanjem

<sup>1</sup>(..)\*\* podaci predstavljaju poslovnu tajnu

osnovnog kapitala u novcu, što je regulisano Ugovorom o kupoprodaji udjela između privrednog subjekta Wienstrom i privrednog subjekta Zotter.

Prije provođenja predmetne koncentracije u vlasničkoj strukturi privrednog subjekta EEE učestvuju privredni subjekt Zotter sa 95,0% vlasničkih udjela, a privredni subjekt Fras sa 5,0%.

U prvoj fazi Ugovora u stvaranju „polazne osnove“ povećanjem kapitala, privredni subjekt Zotter i privredni subjekt Fras su obavezni da izvrše srazmjerno povećanje kapitala u privrednom subjektu EEE, sa <sup>2</sup>(.)\*\* KM na (.)\*\* KM nakon čega će privredni subjekt Zotter prodati privrednom subjektu Wienstrom udio od 8,0% osnovnog kapitala u privrednom subjektu EEE.

Predmetnim Ugovorom nakon preuzimanja udjela od 8,0% od strane privrednog subjekta Wienstrom, konzorcijski partneri će dodatno povećati kapital u privrednom subjektu EEE, gdje se privredni subjekt Zotter unaprijed odriče svog prava i ne učestvuje u ovom povećanju kapitala, a privredni subjekt Wienstrom preuzima osnivački ulog odnosno stiče dodatnih 41,0% udjela u privrednom subjektu EEE.

Nakon provedenih transakcija u vlasničkoj strukturi privrednog subjekta EEE privredni subjekt Wienstrom će imati 49,0% udjela, privredni subjekt Zotter 46,0 % dok će privredni subjekt Fras imati 5,0% udjela.

U Ugovoru, u članu 7. (b), je navedeno da za svaku odluku Skupštine privrednog subjekta EEE, privredni subjekt Wienstrom mora dati svoju saglasnost, a u članu 8. istog Ugovora je detaljno razrađen način odlučivanja po kome privredni subjekt Wienstrom ima pravo veta na sve odluke skupštine, bez obzira na to što nema većinu dionica (preko 50% u privrednom subjektu EEE).

Nadalje, u članu 14. Ugovora je definisana i call-opcija A, kojom privredni subjekt Wienstrom ima neopozivo i neograničeno pravo da u 2018. godini od privrednog subjekta Zotter zahtjeva da mu prenese i ustupi dio udjela u privrednom subjektu EEE koji odgovara (.)\*\* % ukupnog osnovnog kapitala.

Također, Konzorcijski partneri su prema članu 21. Ugovora dužni, da ukoliko dođe do promjene kontrole u njihovim društvima, bez odlaganja u pismenoj formi obavijeste privredni subjekt Wienstrom, koji nakon toga ima pravo, da putem pismenog saopštenja, na sebe od ostalih potpisnika Ugovora zahtjeva kompletan prijenos udjela u privrednom subjektu EEE.

Predmetnim Ugovorom privrednom subjektu Wienstrom je kao vlasniku 49,0% kapitala u privrednom subjektu EEE, putem glasačkih prava omogućena kontrola i dominantni uticaj nad vlasničkim udjelima drugih konzorcijskih partnera, te se predmetno zajedničko ulaganje smatra koncentracijom u smislu člana 12. stav (1) tačka (b) pod 2) Zakona, a na način propisan u članu 12. stav (2) Zakona.

Pravni oblik predmetne koncentracije je sticanje kontrole ili dominantnog uticaja jednog nad drugim odnosno nad više drugih privrednih subjekata, sticanjem većine prava glasa u skladu sa članom 12. stav (1) tačka (b) pod 2. Zakona.

---

<sup>2</sup>(.)\*\* podaci predstavljaju poslovnu tajnu

#### 4. Analiza relevantnog tržišta predmetne koncentracije

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Relevantno tržište proizvoda u predmetnoj koncentraciji čini tržište proizvodnje električne energije.

Obzirom da su učesnici koncentracije preko subsidijarnih društava prisutni na tržištu Bosne i Hercegovine, za relevantno geografsko tržište smatra se područje cijele Bosne i Hercegovine.

Slijedom navedenog relevantno tržište predmetne koncentracije čini tržište proizvodnje električne energije u Bosni i Hercegovini.

Učesnici koncentracije i njihova subsidijarna privredna društva u Bosni i Hercegovini u godini koja je prethodila koncentraciji nisu bili operativni, odnosno nemaju tržišnog udjela na relevantnom tržištu.

Na tržištu proizvodnje električne energije u Bosni i Hercegovini djeluju tri privredna subjekta: Elektroprivreda Republike Srpske (u daljem tekstu: EP RS), Elektroprivreda Bosne i Hercegovine d.d. Sarajevo (u daljem tekstu: EP BiH) i Elektroprivreda Hrvatske zajednice Herceg-Bosne d.d. Mostar (u daljem tekstu: EP HZHB).

Procjena tržišnog udjela glavnih konkurenata sudionika koncentracije na relevantnom tržištu, na dan 31. decembra 2006. godine:

Tabela 3.

	EP BiH GWh	EP RS GWh	EP HZHB GWh	BiH GWh	Tržišni udio u BiH
<b>Proizvodnja u hidroelektranama</b>	1.505	2.470	1.884	5.859	<b>42,60 %</b>
<b>Proizvodnja u termoelektranama</b>	4.870	2.86	0	7.730	<b>56,20 %</b>
<b>Proizvodnja u malim i indust.el.</b>	85	75	0	160	<b>1,20 %</b>
<b>UKUPNO</b>	<b>6.460</b>	<b>5.405</b>	<b>1.884</b>	<b>13.749</b>	<b>100,0 %</b>

Izvor: Podaci Državne regulatorne komisije za električnu energiju BiH

Prema podacima o tržišnim udjelima učesnika koncentracije i njihovih konkurenata na relevantnom tržištu (Tabela 3.) proizilazi da tržištem električne energije u Bosni i Hercegovini vladaju društva sa većinskim državnim kapitalom obzirom da elektro-energetski sektor još nije privatizovan niti liberalizovan, te se tržišni udio učesnika koncentracije, uključujući i tržišni udio malih hidroelektrana, može smatrati neznatnim.

#### 5. Ocjena predmetne koncentracije

Konkurencijsko vijeće analizom podataka, u smislu kriterija člana 17. Zakona (posebno strukture relevantnog tržišta, tržišnih udjela učesnika koncentracije i konkurenata) je utvrdilo da predmetna koncentracija ne može imati za posljedicu sprječavanje, ograničavanje niti narušavanje tržišne konkurencije na relevantnom tržištu proizvodnje električne energije u Bosni i Hercegovini.

Uzimajući u obzir sve iznesene činjenice i podatke koji su prethodili donošenju odluke, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

## **6. Administrativna taksa**

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

## **7. Pouka o pravnom lijeku**

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

**Predsjednik**

**Ibrica Lakišić**